


# 虛堂詩錄

下下  
後錄一



漢書門類			
〇〇二七	七	〇	七
號	函	架	冊

內閣文庫			
〇〇二七	七	〇	七
號	冊	架	冊

內閣文庫			
番號	漢	10027	
冊數	7	(6)	
函號	311	53	

釋家書

号七





偈頌

釋<sup>ス</sup>雪<sup>ニ</sup>實<sup>ヲ</sup>車<sup>ノ</sup>轍<sup>ノ</sup>二<sup>ノ</sup>門<sup>ヲ</sup>

迦<sup>レ</sup>葉<sup>ヲ</sup>聆<sup>テ</sup>箏<sup>ヲ</sup>起<sup>テ</sup>舞<sup>ヒ</sup>淵<sup>ニ</sup>明<sup>ニ</sup>聞<sup>テ</sup>鐘<sup>ヲ</sup>皺<sup>ム</sup>眉<sup>ヲ</sup>息<sup>ヲ</sup>畊<sup>テ</sup>斗<sup>ノ</sup>室<sup>ニ</sup>危<sup>ニ</sup>

坐<sup>ス</sup>半<sup>ニ</sup>窓<sup>ニ</sup>凍<sup>リ</sup>日<sup>ノ</sup>熙<sup>ニ</sup>熙<sup>ニ</sup>



大<sup>ニ</sup>功<sup>ヲ</sup>不<sup>レ</sup>宰<sup>ス</sup>

碧<sup>ニ</sup>玉<sup>ノ</sup>溪<sup>ノ</sup>頭<sup>ニ</sup>黃<sup>ニ</sup>葉<sup>ヲ</sup>村<sup>ニ</sup>不<sup>レ</sup>聞<sup>ク</sup>花<sup>ノ</sup>鳥<sup>ノ</sup>到<sup>リ</sup>籬<sup>ノ</sup>門<sup>ニ</sup>敢<sup>テ</sup>眠<sup>ル</sup>似<sup>ク</sup>

覺<sup>ス</sup>底<sup>ニ</sup>時<sup>ノ</sup>節<sup>ノ</sup>山<sup>ノ</sup>月<sup>ノ</sup>半<sup>ニ</sup>規<sup>ニ</sup>新<sup>ニ</sup>吐<sup>ク</sup>痕<sup>ヲ</sup>

善<sup>ニ</sup>應<sup>テ</sup>無<sup>ク</sup>方<sup>ク</sup>

淺草文庫





雨脚踳踳林葉稀去來初不涉離微靈機未  
轉已先照蹤跡擬從何處歸

緣對

石牀偃月夢魂冷溪水寫真癯影清平生  
矻矻自忘我世外不知誰可盟

君子有所思

孤舟十萬里委命在危流五葉芬芳後神州  
法已秋

閔宗鏡錄

百卷非文字精探海藏深老胡三寸舌鏡主  
幾生心力破塵勞網能銷曠却金歸原何所  
似花底轉靈禽

鑄印

袍着金花勒小驄揚鞭幾度月明中黃河泉  
上空來徃直至如今未樹功

銷印



鐵鞋無底飽風霜。歲晚歸來卧石牀。一對眼  
睛烏律律。半随雲影挂寒堂。

回鴈峯晚望

孤筇影落清湘外。看盡歸雲。斂復翔。身世悠  
悠心自許。幾回到此立斜陽。

衡陽麗居士庵

居士當年錯用心。渾家不睦到如今。揀籬柄  
短無人買。空自蕭蕭風滿林。

登祝融峯

南嶽諸峯七十二。惟有祝融峯最高。九千七  
百三十丈。下眎寰海如秋豪。岷峨華頂遠。俯  
伏九華五老來。相朝上封老僧日。無事興來  
以手摩雲霄。

方廣寺

雲中玉磬無時響。木末金燈永夜明。勝地正  
緣人罕到。古今門戶未嘗扃。



訪趙野雲不值

久思閑對老維摩。欲話衆生病痛多。丈室無端鐵門限。未應容易野人過。

圓書記之錢唐

誰管鮎魚上竹竿。拚身捱得髑髏乾。者回歸去西湖上。犢草鷗波不亂看。

彌藏主歸潮陽

穆穆叢林見老成。江湖約我復同盟。鰲鄉未

話腥風起春雪初消。好問程

斷橋

瞎驢一踏兩頭空。便與尋常路不同。寸步却成千里隔。紛紛多在半途中。

訪南湖晦菴講主

誦堂迷却散花人。百萬茫茫徒苦辛。絕處逢生機路活。定應尊者是前身。

謝戴悟庵



深荷城東老淨名菜園捨了又齋僧磨力石  
子看看盡居士肝心鐵打成

觀山水圖留休禪者

近遠何多趣難將尺寸求向來披嶽頂今已  
偏神州水肅蒼林晚寒生玉井秋圓蒲冷相  
對時與話峯頭

求猫子

堂上新生虎面狸千金許我不應移家寒故

是無偷鼠要見翻身樹上時

通禪客進納

衲僧肘後箇靈符誰管從前有與無片板不  
能擔到底又來依樣畫葫蘆  
迭僧見龍泉不庵

太阿橫按血淋漓鐵作心肝也皺眉入得門  
來翻死款不庵未必肯饒伊

闡觀音背水陸幘



吉祥木士捨全身シテ要シテ使迷途シテ脫苦輪シテ無奈衆シテ  
生難教化シテ天堂地獄又重新シテ

霞谷清夜

執テ晝蘊シテ丘壑冥機シテ未策勲シテ瓦甌消シテ古篆石榻シテ  
伴歸雲勝事知シテ如許餘生無所聞シテ燈花冷相シテ  
笑何可補毫分シテ

送先侍者

半怯春寒病未甦シテ出門無力為三呼シテ諸方棘シテ

手如靈駿秋晚應歸シテ捋虎鬚シテ

送文瘦牛

一味清寒骨挂皮且無心力去扶犁シテ江湖儘シテ  
儘有閑地况是春風草長時シテ

玄黃不真

萬物自全璧蒙莊安可齊シテ月高松影細風急シテ  
鴈行低誰把丹青入シテ難將竹帛題寒山應笑シテ  
我携手隔雲泥シテ



黑白何咎

世事亂如麻，情人未到家。  
連延深院雨，滴碎後庭花。  
舊話幾時別，音書未有涯。  
暝煙將四合，何處起胡笳。

謝芝峯交承惠茶

揀芽芳字出山南，真味那容取次餐。  
曾向松根烹瀑雪，至今齒頰尚餘甘。

棘林

海鳳飛來不敢棲，舊條新刺利如錐。  
茫茫出得出不得，只許拚身到者知。

趙開府訪霞谷次韻謝之

旌幢天外見縹緲，谷中來望重。  
草先偃山靈，雲自開禪衣。  
坐幽石，椽柄拂清埃。  
勳業凌煙上，難教隱釣臺。

茶寄樓司令

暖風雀舌開芳叢，出焙封題獻至公。  
梅麓自



來調鼎手暫時勺水聽松風

送鑿座主

紙燈吹滅尚迂回直至如今心未灰臺石蘚  
花將半蝕不知焚鈔復誰來

僧禮補陀

孤蹤抹過海門東吳越溪山幾萬重一拜起  
來還一拜不知何處見圓通

送騰禪者

別我芝岳舊主情松堂月冷露華清古桐高  
佩知何處會聽百灘流水聲

遊棲霞觀

海上多幽蹟尋碑始得名仙成丹竈冷霞暖  
地花生有鶴久不死見人長欲鳴壇西羽衣  
子知我不虛行

僧之金陵

良宵桂月耿中庭蛩在青蒨底鳴別我寸



心如寸鐵，不知南國幾多程。

寄晦菴佛光法師

對文箋釋，通人到破句，分科作者難不見。澧陽焚鈔者，棒頭拈出尚寒酸。

昌老號竹谿

踈踈綠影，釀寒清高節。虛心久得名，不見月明流水處。好風時引鳳雛聲。

潭老號古困

蛟龍窟宅初無底，神禹難窮淺與深。好地凝流消息子，沛然爲雨活叢林。

溥禪者西還

梅影稀踈，蘭葉香吳中。水草越中行，荒田觸自無人揀。款款歸來帶月耕。

僧字止中

鍊實而食，擇木而棲。靈靈自悔，物物難齊。秋斂巢虛，睡穩夢破。月印清溪。



閑侍者鏡潭

雨過天風靜波光似鑄成不須頻鑑照妍醜  
自分明

牧童

煙暖谿頭草正肥儘教牛飽卧晴曦捲桐又  
入深深塢吹盡春風不自知

漁父

菰蒲葉冷暮天低斷岸舟橫水四圍祇有一

竿湘楚竹未嘗容易下山磯

魯禪人唯之

當頭一諾未為親大道難將語默分不聽晚  
風江上笛一聲吹破碧天雲

搢禪人之太白

明明不可銘斷續復誰聽海上有癡絕山中  
無白寸天風生寂籟霜月下寒汀子去忘幽  
討重島猶未宿



萬松山贈張省元

鑽仰無門塵不通靜如古井鑑秋容樂天自得道中術時引清風吹萬松

僧遊台廡

音旨雙鴻不可聞捲衣南去與誰論龍湫水澁石橋滑得路應敲尊者門

牀屏怪松

蛟幹虬枝巧作蟠鱗鱗鬣鬣自生寒卧間不

致為秋去只就濤聲起處看

僧歸越

露激風搏岸草秋攬衣何處上蘭舟無方始是知方者莫恣支師泥沃洲

遠塵軒

開窓種脩竹鑿石構方池良夜月來此勞生幾箇知

遊金華洞天



颼颼崖溜靜邊聞到此仙九呖丈夫分鶴駕朝  
真何日返洞門終日鎖寒雲

寄婺守趙主堂

儒釋同科到者稀道融冰雪鑑精微和平堂  
上公餘坐靜看寒雲片片歸

題書畫什後

鼓揮多古跡優彼色絲辭逸少觀鵝處元暉  
縱墨時室虛蛟自觸神久樹生悲得處何機

感尋披當爾思

冬夜示俊侍者

守得烏薪暖氣回夜深寒重易成灰因思百  
丈重排撥轉使瀉山眼不開

靈竺權衡之訪婺守會雙林

不將一字顯今宗隨處溪山老眼中想見金  
華舊知己未容明月照歸篷

西蜀言道士昔同夏嶽山三十年後著



僧伽黎衣復會于雙林

不拜星壇不步虛裂冠來下死工夫地爐深

處燒紅葉曾記三生舊話無

演僧史錢月林

濬發靈機口角邊斷崖飛瀑逼人寒若言列

祖有傳受迦葉無因倒刹竿

淵禪人之乳峯

淵默雷聲善鼓機鈍根難下頂門推青霜黃

葉塵窮野急急歸來見隱之

羅漢樹

稽首如來種悲生末世中枝枝成小果葉葉

現神通海月分清影天香逐曉風願惟迷已

者觀此出樊籠

上四明守黃侍郎辭延福

雨化仁陶德愈馨昂春物物自生成昔年秀

水曾觀政却與鄞江一樣清



石牀久矣卧雲林六十銀絲兩鬢侵海上浮  
杯心已息掬溪容我鷄棠陰

寄寂照庵主

遠引高蹤繼覆盆一龕枯寂是前身秀峯影  
裏閑揩眼見盡深雲未到人

示祖躬禪人

祖意明明在爾躬脉之不見用無窮擬心更  
欲重提掇一片驚秋葉墮空

安座主更衣

良遂曾敲麻谷門不相謾處主賓分子來親  
見虛堂窅兩耳垂肩坐白雲

天竺送僧之昌邑

肅然凝目引秋光帆過東溟白鳥行不即不  
離雖自肯海山誰爲說經王

動靜雙照

舉息冥方所徒稱宋地僧百年應自擲一飯



若為憑風暖闔山鵲煙消露石稜分甘雲水  
共終日任騰騰

物我兩忘

居常多不器情謂盡方知有眼挂空壁無心  
合祖師袖穿隨手補客至下階遲或問虛堂  
叟殷懃說向伊

慧禪人之萬年

鼠入錢筒伎已窮十年蹤跡眼頭空如今又

問平田路山舍半吹黃葉風

示明禪者

面壁風規久寂寥兒孫旋旋立新條不知斷  
臂緣何事血灑空庭雪未消

齊禪者之道場

峯從險處自孤起石到虎邊飛列泉門戶既  
難子宜去莫辭深雪立庭前

厲道人字弗云



身隨虛空如夢覺萬機截斷任天真單單留  
得孃生口箇事如何說向人

靈山聽猿齋祖首座號無傳

龍猛因緣會北齋轟轟南嶽到荆溪宏綱若  
謂無人舉誰聽孤猿月下啼

酬覺如居士

覺體如如不變時能驅萬象入毫釐毘耶城  
裏無人識下默雷轟只自知

北山庵居

祖擔終難荷品棲儘可攀愛閑嫌日短遇興  
不知還谷嘯風搏虎認明月啓關餘生無異  
念贏得放踈頑

恭欽二禪人之長庚

難兄難弟未全知毒種從來眼戴眉若到鄞  
江有雲處九峯寒碧鎖清池

訪月上人幽室



竹裏池清，雲屋深。萬機冥合，道人心有門。不  
是無人到，自是靈蹤不可尋。

寄東湖溥侍者

聲前未舉，已先知。曾用輸機陷國師，險處與  
誰分勝負。蘋花汀草暗相宣。

送泰閣梨

井梧初墮，別芝園。椽筮秋行過海邊。沙上有  
人搏律虎，謂言經鈔未會詮。

送溥禪者

白鳥明邊秋思遠，逢人未話齒先寒。他年祖  
室爭頭角，雲外歸來略借看。

溥禪人歸疎山

故山臨汝夢，秋江況是蛩吟月。到牕不住京  
華南蕩寺，法身歸去問枯椿。

立禪人平山

依依遠勢接雲根，有路何曾氣急人。澤廣既



知藏不得異花靈草自生春

宜知客歸江心

風帽雲巾歷所期問津何似到家時曲闌半倚垂揚外潮落潮生祇自知

寄節維那

幾度忘言話克賓鼓林音響許誰聞海山秋夜對孤月應記北高峯頂雲

酬李勣息惠竹杖

一枝蒼玉寄宵人遠勝邛州九節紋添得老來山水興指空敲石看飛雲

元藏主遊方

罵曹瞿曇說脫空年來分外惡情悰吳山越水相逢著放出螭螟咬大蟲

得願

地窄天寬古所聞誅茅分得半谿雲有時夢覺蘿牕底懶聽前峯鹿叫羣



冷泉送文禪者之天台

惠理呼猿日葛仙成道時地勝人難到去來誰得知

送信禪人

誠信之言是道根出門句子要區分溪山到眼知慚愧莫學叢林飽見聞

正禪者歸庵

方廣靈蹤為絕藥到者紛紛殊不會亂雲深

處着禪庵孤猿啼在蘿窓外

文禪人臨哀北堂

捲衣東去浚沽巾蘭谷風香二月春天地豁空舒笑眼不知誰是報親人

寄雪竇足首座

光鋸曾不著纖埃拂拭磨龔心已灰秋夜不禁猿嘯月與誰同上妙高臺

行輩珙三禪德之國清



誰知三隱寂寥中，因話尋盟別鷲峯。相送當門有脩竹，爲君葉葉起清風。

送僧之嚴

對蒲方話蘿窓底，又握山藤破曉煙。領取桐江到家，句子規啼在月明前。

送逢侍者

銷鑠精微復見人，青鞋踏破幾重雲。鷲峯孤頂來辭我，祇有秋光可共分。

本禪人爛柴

祇爲到頭乾不盡，縱饒見火亦難吹。年來歲往消磨去，不許春風管帶伊。

崖泉應虛室

天籟發中靜，峯高遠出雲。有來非眼聽，無處足心聞。蒲冷禪衣弊，窓虛月影分。大功終不宰，縱爾自云云。

題漁磯



秋華倚石臺沙鳥暗相猜一草有時動幾朝  
魚不來

電出相者

妙處未形三寸舌神眸一爍更無餘季咸退  
舍許負死湖海識人方見渠

大義庵主

山根旋縛尖頭屋溪上新開數畝田老矣不  
能重展手倚筇凝眸送寒煙

傳禪人空谷

洞然非洞亦非盤箇裏有神誰解看未放口  
前先應諾聽時莫被耳根謾

送小師無二回中川

蜃江來訪竺山春貴爾尋師已得人莫學橫  
趨未歸客至今塵土滿衣巾

北軒

一梁對一柱綽綽自橫陳誰擬復誰即温然



無故新

古梅

千年苔樹不成春，誰信幽香似玉魂。  
霽雪滿林無月曉，點燈吹角做黃昏。

獨舫軒

踪跡渾如漾綠漪，畫橈曾不近漁磯。  
有時夢落秋江去，短笛橫吹載月歸。

霞光亭

靈跡軍符豈易量，故應祥彩發天藏。  
真風不逐三韓去，直至如今草木香。

冰侍者不受育主藏主

劫空田地自由身，眼綻無心典竺墳。  
探討正音誰可擬，調高終是過行雲。

明知客江心訪竺峯

歷盡風霜兒不枯，觸髅前下死工夫。  
禱林句，子千鈞重江上歸來記得無。



對雪

郊郊寒翠濕癡雲暗剪冰花巧着春多話風  
前初重竹可思深夜立庭人

上竺池院歸鷺峯菴

鷺嶺心旌動池邊影漸疎一生無定力七十  
尚移居細雨洒松塢涼風挽竹輿白雲相望  
處跼踏自渠渠

次白雲端和尚韻禮楊岐會禪師塔

來拜東山祖峯高日未央遐瞻心已足右繞  
興何長啼鳥驚人去飛花過水香西河牙爪  
在曾不媿汾陽

禮道吾雷遷塔在石霜

祖師靈骨見應難霹靂聲中過別山父子祇  
緣機不密翻成千古是非關

謝夢庵居士性宗集

性本無宗夢亦非萬機難透一真機有時暗



與乾坤合笑看春花秋葉飛

寄崇福源長老

一髮千鈞適此時風前無語皺雙眉松源正  
脉將枯竭瀆發靈源復是誰

愷藏主彌庾嶺

南宗北祖多衣處雨洗風磨石尚新靈跡豈  
知千載後叢林猶有昔時人

白糞寄夢

黃林爛春如切玉醉人風味忍沾唇火爐頭

話煩君舉莫作粘牙綴齒人

淨髮吳生

適意多雲水尋幽訪所知曾於竺峯下會見

寶溪時巧理數莖髮清分兩點眉忽忘心手

處何謂不如斯

村樂圖

一年田地熟賦外樂天真便不打鼓笛也是



太平久

自賦息耕

葉深煙氣暖，  
梳軟骨毛香。  
巢許垂清節，  
臨流不爾忘。

送鄱陽復道者

相逢道人漆雙瞳，  
衣衫零落迎秋風。  
甘將百骸作泥土，  
冷笑萬事如展篷。  
當今祖道薄如紙，  
瓦缶雷鳴鬧人耳。  
正音却作一線懸，  
兩手

枕胸凌如洗，  
行行不惜兩莖眉。  
魔宮虎穴俱

探窺山窮橋斷始得路，  
伎倆盡時方見伊。

寄星婺適莊居士

稽首毘耶金粟身，  
靜中多見鬧中人。  
却將不二門頭事，  
時與虛空細講論。

寄雪竇性首座

祝融峯下燒紅葉，  
應夢山中看白雲。  
足跡未教容易見，  
誰知天外有人聞。



送茂侍者

木葉辭柯霜氣清  
虎頭戴角出禪窟  
東西南北無人處  
急急歸來話此情

春日對鏡

不住復新新  
來從幻裡真  
舊髯皆變白  
老眼尚精神  
世事終難鑑  
菱花亦有塵  
東風原上草  
不覺又生春

送炳書記

心鏡頻磨髮漸斑  
照臨今古未嘗閑  
已知所得離文字  
此去禪棲必有山

法光藏主之南徐

三呼擣下愧靈襟  
湖海叢林已徧尋  
忘却飛猿舊時路  
到頭曾不厭初心

實禪者歸省

靈山禪起未温席  
却問潮陽過海船  
浪省毒堂春日靜  
究心應記白雲邊



空春環和尚號石庵

空島爲屋薜蘿門天巧渾無斧鑿痕花鳥不  
來雲自合堅拳消息與誰論

可禪人歸江心

每思槌拂恨難酬孤嶼尋歸月正秋堂上若  
呈圓相去迺師應錯罵雙檣

送僧省母

十年來往浙東西捱得頭荒露伏犀因話編

蒲米山老不禁秋夜聽莎鷄

寄都省羅太尉

海涵山育氣如春內相聲華中外聞綱紀禁  
庭天寵密金璫長染御爐熏

淨覃藏主遊方

藪林荒落水雲寒風味辛酸話轉難隱隱  
枝天外去不知何地擇人安

德惟侍者巡禮



巖桂初飄好問津軟風輕結露華新諸方不  
用多招手自有尋香逐臭人

通藏主之南國

春入長淮野燒青六朝遺事鏡中明臨崖細  
剝苔紋看太半無人知姓名

立藏主之三衢

一會靈山已七年寸心如鐵鼻遼天無端歸  
去思前事話到柯消石也穿

端書記赴雲城辟命

不遊文苑入祇園芻草風香春正妍要識根  
莖來處遠葛仙丹井冷雲邊

慶藏主之南屏

魯向殊方典竺墳叢林有志張吾軍天寒歲  
晚重尋舊莫負青鞋踏凍雲

隱侍者遊乳峯

竇深惟古雪霄崖列危巖到者難披頂尋師



多賣單無時雲氣重長帶瀑聲寒挨得入門  
向歸來似我看

寄慈峯故人

湖面春歸物理明水花無數點青萍因行若  
訪和庵主未必孤蹤在二靈

無補侍者遊方

索索青鞋踏曉霜逢人屈指問諸方有無探  
討歸來日糞火堆邊話短長

沔禪人之鴈蕩

風高木落鴈山秋鞭起無依穴鼻牛村草步  
頭攔不住大方隨處有良疇

珙侍者之沔

漢江漠漠向東流擘蜺撈鰕休未休蒲葉半  
凋秋着岸子歸無口笑函頭

贈許居士

山儀不裹龐公帽躡袖深藏傳老槌敲磬諸



方應未已眼頭，乖角少人知。

贈妙喜社道友

斷來妙喜針鋒上，塞破虛空不礙空。昔日維摩今社友，相逢箇箇有神通。

示日本智光禪人

隱隱孤帆絕海來，虛空消殞鐵山摧。大唐國裏無知識，已眼當從何處開。

送永嘉祖意禪人

識得祖師端的意，迢迢千里托知音。當機一喝忘情謂歸興，猶如虎出林。

心侍者歸省

露葉蕭蕭月滿庭，秋來多夢老人星。海山印渚知吾處，終不深雲獨掩扃。

就明書懷

流葉非深隱，那堪復故山。未能忘影跡，終是礙人間。白髮吟邊短，清燈話裏閑。江湖有新



夢何日出松關

海首座彌怒濤

憂國憂民日夜驚顛天顛地作雷鳴子胥此  
去休煩惱百谷來朝一樣清

天竺王論師赴覺海

妙昔惟從句外求白雲先見室中籌海山深  
處多麟鳳此去橫經一網收

賀契師庵居

正席雲山萬象回道人青眼為誰開呼童放  
竹澆花外修整茶爐待客來

揖讓圖

行必有師進之以禮昭昭君子心對面風波  
起

山行示思穆侍者

春水綠浮影山光瀉入懷因思善牧者隨分  
納些些



雲谷術士

出則無心應有聲眇然天地亦難銘可中別  
有通神處見說年來分外靈

鐫者任廷

入石入木知分數古篆今篆攻豈難紙因雕  
巧失真體不見全文在世間

剝剪林榮

衆技爾爲得養生何所親篋中三寸鐵雲外

一閑身黑白已無幾修治轉失真畏寒更少  
伐未愧幽溪人

韜光室

懶去栽花傍竹籬旋收巖葉盡寒衣不知陸  
谷幾遷變時見斷雲相逐歸

三友堂

清客蒼官會此君歲寒不減舊精神有時品  
字論交態各有半標遠襲人



碧照軒

剪木依山巧鑿池已知寫影到人稀  
一箇寒玉坐來久但見雙雙白鳥飛

荷衣沼

水面綠盤擎雨出臨風幾度倚闌干  
不知暖氣有多少老子年年得禦寒

岳林古渡

契翁來作濟人舟兩岸青山浸碧流  
舞棹舷

歌不到處知心惟有老吳頭

長汀煙雨

潏潏遠水漾明邊沙鷺風晴刷羽翰  
借使輞川收拾得江湖莫作畫圖看

酬李寄軒

寄傲知何所行藏匿一軒  
究心無別旨鳴道有來源  
未話先通理聲詩不在言  
相期湖上寺執手聽啼猿



惟侍者號曲江

源脉滔滔古岸頭往來終是礙行舟無風激  
起千尋浪到海方知是逆流  
日本源侍者游台鴈

師道嚴明善應酬石橋過了問龍湫一花下  
草人皆見是子知機獨點頭  
示内記藻侍者

當年濟北舞黃檗索火之機屈未伸今日子

孫開活眼老南元是讀書人

德信西上

出門溪葉亂紛紛欲去重尋舊主人碓下莫  
舞腰石冷古菱花綻不于春

壬戌登雪竇

錦鏡

池面溶溶水照空春風花影落青銅倚欄擬  
作機頭看已墮阿師圈襪中



墨竹

妙高

松枯石老凍雲垂到此虛空漸覺依脚力盡  
時清興遠與誰携手上天梯

飛雪

黑風袞袞六花輕天列陰崖勢欲傾到此只  
知膚粟冷夜深誰聽瀑泉聲

水仙

芳心塵外潔道韻雪中香自是神仙骨何勞

更洗粧

墨竹

毫端不及處精神殊可掬靡靡聽談玄六月  
添重服

浙江潮圖

怒勢自驚殊莫擬靜心人見骨毛寒平生一  
對風波眼今日晴窓不忍看

老融牛圖



純去自忘牧青蕤柳影中不食欄外草知是  
幾春風

梁楷忘機圖

尋常忘物我渾不涉希夷夢落秋壇冷從教  
斗柄移

常牧溪猿圖

霜隨羣林空一嘯千巖靜耿耿殊有情勞生  
數深省抱子攀危條清興在高遠一點鍾愛

心業風吹不斷

荷鷺

沙蒲坡頭枯荷影裡清興忽來一息千里  
蒲葉吹秋水天漠漠斂影肅心意不在喙

虛堂和尚語錄卷下



*[Faint bleed-through text from the reverse side of the page]*

虛堂和尚續輯

天合會參學以文無補法光編

師出世初住嘉興府興聖寺府疏已刊

前集縣疏知府陸盤隱撰

興聖道場

孝宗流虹去處靈隱首座丞相劄命請來喜

懸墻竹之陰敢後絲花之疏伏惟新命長老

虛堂禪師胸襟丘壑足跡江湖笑翁面裏常



有刀豈容藏鋒斂鍔別浦船上肯攬載必不  
帶水拖泥若教把戲當場管取光前絕後願  
從衆請速惠一來解帶送元公雖自笑箭鋒  
之鈍沽酒引陶令敢詎敢辭連社之盟  
謝檣頭上堂僧問栽松道者借路周氏之家  
後來爲第五祖此意如何師云燈籠泐壁上  
天台僧云友直歲爲二林樹頭獲何福報師  
云說向你也不難僧云恁麼則樹上鯉魚開

口笑石龜眨眼便爲隣師云莫妄想僧云若  
如是著甚死急師云何必更丁寧僧云學人  
也要種一片樹只是未有人分付鑿子師云  
何不便領僧云謝和尚鑿子便禮拜師云得  
少爲足

師乃云臨濟栽松老盧踏碓仰山畚粟地藏  
種田顯一段衲子家風作叢林千古標準二  
林到此因甚顛毛卓豎擊拂子曾經巴峽猿



啼處鐵作心肝也斷腸

上堂猫有軟血之功虎有起屍之德你衲子  
得恁麼沒碑記南山起雲北山下雨則且置  
爲什麼桃花能紅李花能白

上堂舉南泉示衆云王老師賣身去也還有  
人買麼僧出云某甲買泉云不作貴不作賤  
你作麼生買僧無語趙州云來年與和尚做  
一領布衫師云南泉被者僧一撈去死十分

趙州盡力既無救處只得助哀

佛生自上堂僧問無憂樹下作獅子吼固有  
之指天指地還端的也無師云莫信直中直  
須防人不仁僧云學人據款結案和尚何得  
五逆聞雷師云賊須賊捉僧云與麼則四月  
八日不曾生二月十五日不曾滅師云未爲  
極則僧云人夫衆前信受奉行師云勸頭覓  
活



師乃舉曹山因僧問佛未出世時如何山云  
曹山不如僧云出世後如何山云不如曹山  
師云曹山向針孔裏作活計見黃面老子未  
盡忽有人問育主只向他道漆桶少間浴佛  
牢把杓子

上堂纔問著盡道只是者箇及乎詰其端由  
十箇有五雙不知落處育主抑下滅光為汝  
從頭解註一徧良久云好語不可說盡

結夏小參缺齒老胡十萬里帶得箇沒滋味  
來流布天下叢林使一箇箇面不厮覷長期  
短期只管捱驀然打箇無合煞便乃見佛殺  
佛見祖殺祖聞戒定惠唾罵不已雖然如是  
育主今夏莫有此人麼卓主丈舌柱上齧  
上堂佛之一字吾不喜聞俗人沽酒三升寧  
可洋銅灌口不受信心人食此地無金二兩  
會得兩不成雙不然花須連夜鼓莫待曉風



吹

端午上堂僧問文殊令善財採藥財云無不  
是藥者此意如何師云引出落風蓮僧云善  
財拈草度與文殊云此藥亦能殺人亦能  
活人又作麼生師云一人傳虛萬人傳實僧  
云學人通身是病作麼生醫師云佛手也醫  
你不得

師乃云此日天中之節好事不得不說缺齒

道士喫水書符斷臂仙人指空捏訣赤眼麻  
豆一時殄滅唯有虛堂七凹八凸  
上堂懷州牛喫禾益州馬腹脹天下覓醫人  
笑猪左膊上杜順和尚鶻臭布衫終竟難脫  
育主眉毛觸碎須彌鼻孔飲乾大海更有一  
件長處逢人只是不說  
上堂吒吒呀呀如獅子兒我者裏也須勘你  
教教罕罕似探竿影草我者裏也須疑你雖



然菽麥不分爭奈鹽落醬裏

解夏上堂拈主丈云所修行願所證法門一  
一具足因甚入夏以來不知米裡有蟲若下  
得一轉語許你破和合僧出佛身血不然卓  
三文誰知砧杵裏有此斷腸人

上堂盡信書不如無書識得箇字不如忘却  
箇字九經諸子徒爾藻飾一大藏教盡是藥  
方分明對物收稅何用商量一葉扁舟載木

唐

上堂舉僧問雲居山河大地從何而有居云  
從妄想而有僧云某甲想出一錠金得麼居  
便休去師云雲居只箇休去者僧無地藏身  
中秋上堂舉一步則光吞萬象措一毫則影  
落千江爲什麼往往今宵貪觀天上擊拂子  
只爲分明極翻令所得遲  
開爐上堂知寒知暖是第二機作麼生是第



一機卓主丈不得動著動著則燎却面門  
閏月旦謝秉拂上堂僧問不知月之大小歲  
之闍餘是什麼人師云第十等不啣啣漢僧  
云且道今日是什麼日師云我也不知僧云  
老和尚也被使得七顛八倒師云你也脫不  
得僧云爭奈學人不入者保社師云豈容退  
歎僧云玄沙不出領保壽不渡河雙林今夏  
著許多漆桶作麼師云箇箇似餓虎投厓人

人如風擺荷葉僧云和尚手臂終不向外曲  
師乃云金錫刮膜自病難醫利劍揮空逃蹤  
莫及何似橫拈塵尾抑挫來機殺活雖殊對  
揚有準什麼人得此三昧卓主丈一二三三  
二一  
除夜小參僧問禪和窮鬼子朝思暮想得到  
結交頭北禪烹露地白牛雙林將何分歲師  
云金圈栗逢僧云勝他北禪家風多矣師云



作麼生吞僧云百雜碎師云再犯不容僧云  
法冒又道臘雪連天白春風逼戶寒擊師云  
也在北禪背後又手僧云和尚出他北禪下  
句子看師云黃金自有黃金價僧云也是買  
帽相頭師云你驗得恰好

師乃云古佛家風恰好臘月三十夜祖師巴  
鼻來日定是大年朝抖擻屎腸說向伊玄妙  
機關初不密打透底眼眼知歎州米價懵懂

底老棒打不回頭行藏被二十四氣推排有  
時一似大蟲看冰磨我也誰能管得從教日  
炙風吹雖然如是且不沙時宣一句作麼生  
擊拂子嶺梅先破玉江柳未搖金

復舉古德因僧問年窮歲盡時如何德云東  
村王老夜燒錢師云事上也到理上也到理  
事互融會盡物我山僧年來如水浸木頭理  
事拘他不得忽有人問年窮歲盡時如何和



聲便打何故添一歲也不知

佛生日上堂僧問二千年前天下太平二千

年後風波競起雲門雖有殺活之機要且斷

他命根不得今朝佛法付在育主未審如何

施設師云惡水劈頭潑僧云何異諸方師云

今日失利僧云只如目顧四方意作麼生師

云已落然燈後僧云恁麼則黃面老子背地

叫屈師云作麼僧云氣急殺人

師乃云七步周行猶彷彿指天指地不分明

是非既落傍人耳洗到驢年也不清

上堂舉僧問馬祖如何是佛祖云即心是師

云馬大師一隻透心箭子中者絕消息今日

看看鋒稜盡矣

中秋無月上堂僧問馬祖翫月正當恁麼時

如何西堂云正好供養此意如何師云掘地

深埋僧云百丈云正心修行師云好箇繫驢



一續  
概僧云南泉拂袖便行又作麼生師云一把  
骨頭挑去後不知明月落誰家僧云祖云經  
歸藏禪歸海惟有普願獨超物外師云路不  
拾遺僧云或有人問育王又作麼生師云挨  
看僧禮拜

師乃云光飛玉宇影落秋江是時人知有因  
什麼寒山子伸手不見掌會得正當三五夜  
何處不嬋娟

佛涅槃上堂僧問釋迦老子未離兜率已降  
王宮爲什麼却有生滅師云不因汝問大衆  
那知僧云過去已二千年因甚煒煒煌煌尚  
在人間師云指鹿爲馬師乃云暫駭化機徇  
彼波旬之請再垂方便示以紫磨之軀便見  
今日即有明白即無要見釋迦老子麼卓主  
丈

上堂僧問玄沙因甚出嶺師云認賊爲子



僧云保壽因甚不渡心師云人離鄉賤僧云  
玄沙保壽千里同風和尚為甚肯一人不肯  
一人師云胡人飲乳僧云某甲今日自納敗  
闕師云魚腥鳥糞僧云虛堂也須腦門著地  
師云老僧修行無力  
師乃云佛法混盪無甚今日尋常苦口只要  
諸人不受謾萬一入在觸髅裏卒難得出二  
林與麼告報口是禡門

上堂有緊要儘儘颺在背脊後無緊要時時  
拓在觸髅前如今合而為一謂之混融無際  
且恁麼看不然滴水寸絲酬慣有日  
上堂僧問德山拈鉢歸方丈意旨如何師云  
貴買賤賣僧云巖頭道者老漢未會未後句  
在又且如何師云鬧市裏打靜槌僧云德山  
問巖頭汝不肯老僧那頭密啓其意又作麼  
生師云鬼搗穀佛跡面僧云德山次日陞堂



果與尋常不同頭無手大笑道且喜老漢會  
末後句又作廢生師云刀瘡易沒惡語難消  
僧云作廢生是末後句師云你勤辨巖頭勤  
辨老僧僧云義烏紙貴一狀領過師云恠力  
亂神  
師乃云雖沙鏤玉截鐵斬釘點向冷地裏卧  
何故太平時代不得鼓籠人家男女  
佛涅槃上堂僧問法身無爲不隨諸數因甚

有生有滅師云誰便不知僧云若以色見我  
如塵點於太虛師云一任踣跳僧云釋迦老  
子有什麼過略不露箇消息師云明月夜光  
多逢按劍僧云只聞風度竹不覺雪漫山師  
云知過必改  
師乃云黃面老子每日與諸人挨肩接踵未  
嘗少間何謂今辰入滅你若見得分曉息歸  
有由不然佛殿裏自自倒



謝執事上堂僧問東邊也有人西邊也有人  
 中間作麼生師云一點黑如漆僧云且喜虛  
 堂頌話師云老僧從來柳下惠僧云忽有箇  
 東西不辨南北不分底還用他也無師云安  
 得不用僧云用他作什麼師云拚東籬補西  
 障僧云可謂是了事衲僧師云你不得插嘴  
 師乃云阿逸多行道之日他方化佛悉來聚  
 會虛堂薄緣道不及古自吹自拍隨分過時

所過從者皆非良輔刻文殊目折普賢脛碎  
 維摩座焚迦葉衣如是流輩難以親近何也  
 只知克已從人不覺唇寒齒冷  
 佛涅槃上堂靈鷲山頽昆嵐風起善類撫膺  
 出涕魔軍頓足歡喜愛之欲其生惡之欲其  
 死豈止乎二千年前而已野外春風花正都  
 黃鶯枝上分明語  
 圓覺大師忌日拈香暖江風倚蘆梢碧夜深



金殿人相憶此土西天賣不行千古萬古成  
 狼藉當良月莫數五葉之辰孰謂韜其光晦  
 其跡重爐茗椀想遺音分明對面不相識  
 泉州崇福源長老到上堂舉揚岐和尚道縮  
 却頃暗嗟呀白雲則曰大似臨嫁醫癩癩卒著  
 手脚不辨五祖又道行不成步語低聲鼻孔  
 依然空突兀以致圓悟虎丘應菴密庵松源  
 運庵皆憂玉鏗金檀此家法莫有蹈得此脉

底麼卓主丈龍蛇易辨衲子難謾

上堂丁一卓二無邊剎境一毫收放兩拈三  
 萬仞峯頭獨足立以言不及處穿透魔王鼻  
 孔以食未到口塞斷衲子咽喉燈籠露柱暗  
 攢眉木馬石人顛倒走既有如是妙用如是  
 奇特則育王門戶未致寂寥何故擊拂子云  
 後代兒孫休妄想鷓鴣啼不為春風  
 上堂鐘鼓之鳴可以節禮樂權衡之正可以



定錙銖而我比丘爲佛弟子有道有德有仁  
有義結夏已一月業識茫茫殊不在已良可  
悲也驀然有箇牙如劔樹口似血盆出來便  
喝擬議便掌老僧道你且住我今年七十七  
你也饒我些子者漢回頭一覷冷笑而去且  
道他笑箇甚麼卓主丈投我以木桃報之以  
瓊瑤

上堂舉興化未出世時常云我在南方行脚

一遭主丈頭不テ曾テ撥セ著セ箇ノ會ノ佛ノ法ノ人ニ木ニ覺ノ聞  
得云何時得業風吹入ニ大ニ覺ノ門ノ下ニ化ノ一ノ日ノ果  
到ル大ニ覺ノ請メ充ツ院ノ主ニ木ニ覺ノ一ノ日ノ喚フ院ノ主ト我レ聞ク你チ  
道向南ニ方ニ行ス脚ス主ニ丈ニ頭ニ不ス曾テ撥セ著セ箇ノ會ノ佛ノ法ノ  
底ノ人ニ你チ具ス什ニ麼ノ眼ヲ化レ便ニ喝ス木ニ覺ノ拈メ棒ヲ化レ擬シ議ス  
覺レ便ニ打ス化レ又ニ喝ス覺レ又ニ打ス來リ日ノ化レ從リ法ノ堂ノ前ノ過リ  
覺レ喚フ院ノ主ト我レ直ニ下ニ疑フ你ヲ昨ノ日ノ者ト兩ニ喝ス爲シ我レ說ケ  
看レ化レ云ク我レ在リ三ニ聖ノ處ニ得テ箇ノ賓ノ主ト句ヲ總ニ被ル師ノ兄ト



折倒了也乞箇安樂法門覺云者瞎漢來者  
 裏納敗闕腕下衲衣痛打一頓興化忽於木  
 覺棒下頓悟云我今日方知先師在黃蘗處  
 喫棒底意昔師云百尺竿頭進步未爲之驗  
 當時大覺棒頭若無活眼興化要見臨濟悟  
 處也未得在近白有等瞎驢不辨精麤只管  
 胡喝亂喝

上堂朝朝相似日日一般見成受用千難萬

難因思臨濟掌黃蘗何似華亭地釣竿

謝瑞嵩和尚上堂有意待不來無心忽會面

頂髮垂絲眼光如電說盡湖海風波論量柴

米貴賤更有二處少人知擊拂子也是重安

眼上眉

上堂德山入門便棒臨濟入門便喝虛堂入

門便罵德山入門便棒喚作棒得麼臨際入

門便喝喚作喝得麼虛堂入門便罵喚作罵



得麼既喚作棒不得又喚作喝不得又喚作罵不得畢竟喚作什麼擊拂子平生肝膽向人傾相識猶如不相識  
冬夜小參羣陰剥盡一陽生又見東山水上行冷笑雲門多口老却來日牛打三更若恁麼見得皓老布衲不是不洗無得替換鏡清卧單不是不展無者閑工夫看古人九九百百艱艱難難成得什麼面蒲卓主丈一東一

冬叉手當胸

上堂舉雲峯悅禪師初參大愚示眾云大家相聚喫莖菜若喚作一莖菜入地獄如箭射峯音之求參堂後請方丈請益芝曰佛法不怕爛却我忍寒不眠何暇爲汝說佛法且去化炭及歸再請益芝曰佛法不怕爛却我忍饑不眠何暇爲汝說佛法更去持鉢歸日又請方丈請益芝曰佛法不怕爛却堂司闖人



且爲我克維那去忽一日僧堂後架見桶箍  
爆有省急走方丈芝迎笑曰維那且喜大事  
了畢再拜汗下無語趨出師拈云大愚不施  
針砭起雲峯之疾於膏肓後人指下不明只  
管向藥病相治處看  
師到乳峯衆請上堂雪竇門下盡是上根利  
器親之則毛髮悚然望之則精神恍惚到者  
裏誰敢妄通消息賴遇堂上西江老子是家

裏人未免借風揚帆所以道路逢道伴交肩  
過一生參學事畢雖然如是且參學事畢底  
上根利器作麼生相見卓主文錦鏡亭前風  
凜凜妙高孤頂雪漫漫

師在靈隱鷲峯塔杜絕世諦衲子請益  
遂立三問示之各令著語  
一已眼未明底因甚將虛空作布袴著  
二劃地爲牢底因甚透者箇不過



三入海テニ弄沙フル底ヲ因其針鋒頭上翹足ニシテ

續輯終

*[Faint bleed-through text from the reverse side of the page]*

臨安府淨慈報恩光孝禪寺後錄

參學 道準 禧會 紹賢 編

上堂僧問黃檗打臨濟時如何師云逼ク生蚕ヲ

作繭ヲ僧云臨際掌黃檗時如何師云冬行春ニ

令僧云若與麼黃檗臨濟二俱賅漢師云許コト

多年黃檗臨濟今日方遇知音僧云黃檗臨ク

濟有甚麼過師云如龜負圖僧云於中還ニ有テ

得失也無師云喫棒了聽款僧云若如是和ス



尚也是箇瞎漢便禮拜師云家無小使  
師乃云耳目之察不足以分物理情識之論  
不足以定功勛山僧進院以來每日僕僕尚  
爾收息不暇又何暇分物理定功勛耶擊拂  
子云自小持齋今已老見人無力下禪牀  
佛涅槃上堂舉世尊臨入涅槃於人天衆前  
以手摩胸普告大衆汝等善觀吾紫磨金色  
之身今日則有明日則無瞻仰取足於今後

悔師云山僧當時若在會中但低低地道世  
尊拈取簸箕別處春若下得者一轉語免得  
今日鄭重

上堂識心達本坐井觀天窮理盡性水中撈  
月抹過兩重關且向行住坐卧處借人鼻孔  
出氣直饒與麼猶隨在圓覺四病作麼生得  
獨脫無依去卓主丈云長憶江南三月裏鵝  
鵝啼處百花香



上堂舉斷際禪師嘗與異僧游天台行數日  
值江漲不能濟植杖久之異僧以筵當舟登  
之浮去斷際曰我早知汝定挫折汝脛乃快  
也異僧歎曰道人猛利非我所及師云道人  
猛利難親近漾笠中流驗作家憶昔高人何  
處去夜深和月過平沙

謝新承天和尚上堂泰山頽巨靈可託絃音  
斷鸞膠可續顧茲未運正脉將沈不因豆爆

冷灰何得雲峯肉煖所以松源師祖道歟壞  
多年茗帚椿筭閑拈起定宗綱箇般標格天  
然別不比諸方孟八郎此是老子不平之氣  
今對人天衆前分付石帆和尚於姑蘇城畔  
大闡芳猷使天下衲僧知有東山正續  
上堂舉無著和尚送供臺山遇文殊迎接云  
尊者何方而來無著云南方殊云南方佛法  
如何住持著云末法比丘少秦戒律殊云多



少衆著云或三百或五百無著却問和尚此  
間如何住持殊云凡聖同居龍蛇混雜又問  
多少衆殊云前三三後三三師拈云當時無  
著好與一撥道是多少待他擬議便與一喝  
當時既已放過今則翻成不了忽有人問南  
山如何住持以手指天示之或問多少衆以  
手指地示之待他擬議亦與一喝何故擊拂  
子云劍爲不平離寶匣藥因救病出五年第

佛生日上堂世尊初生下時分手指不地道  
天上天下惟我獨尊也是半夜拾得錫後來  
雲門大師道我當時若見一棒打殺與狗子  
喫貴圖天下太平獻佛不假香多南山今日  
要與黃面老子出氣卓主文云鴉羽落水魚  
斃死  
結夏上堂拈主文云主文乎久靜思動欲出  
來發揮古佛二千年前底嚴規要驗納僧九



十日之功用左顧右盼朝誦夕思直教入林  
不動草入水不動波以表行脚從入之德卓  
主丈云主丈子你從上所說底法要南山一  
一從之九夏你底也把教定始得  
中夏上堂卓拄杖贊底沙翹足七日尚自不  
知四祖大師六十年脅不着席何曾會去見  
前龍象前四十五日既已放過後四十五日  
又作麼生忽有箇眼皮綻底出來道乞師賞

勞只向他道三貫襯錢三味食相招携子上  
高臺

上堂舉趙州問僧甚處來僧云雪峯州云雪  
峯近日有何言句示徒僧云大師道盡大地  
是沙門一隻眼汝諸人向甚處局州云曾有人  
下語否僧云未有州云汝若過嶺與我寄  
箇鏃子去師云趙州將一顆甜桃換得箇醋  
梨若有人問淨慈有何言句示徒只向他道



你好來問著我若問著別人打教你嘴嚙  
上堂拈拄杖云首山和尚上堂汾陽出衆云  
百丈卷席意旨如何山云龍袖拂開全體現  
汾云意旨如何山云象王行處絕孤蹤陽於  
此大悟云萬古碧潭空泉月再三撈揀始應  
知禮拜而退時葉縣省和尚爲首座問昭兄  
汝適間見箇甚麼便禮拜陽云正是某甲放  
身捨命處師卓拄杖鳳凰生鸞鷲獅子產後

猊

解夏小參呼風嘯指傍若無人百數成羣不  
屬王化及乎言薦賞勞便如暗中取物其間  
有一箇半箇知因識果底頂在額角頭上不  
敢妄有走作驀然蹉脚踏殺一箇蟻子便乃  
話頭不圓只如西天廣額屠兒放下屠刀我  
是千佛一數又作麼生出來下得一轉語管  
取別甌炊香



復舉五祖演和尚道我者裏是皮栲栳禪從  
虛空撲下來也跳幾跳不比諸方琉璃甕子  
禪師云五祖老手舊斃脾淨慈鷄皮鼓子不  
勞重擊有般漢便道虛堂年老心孤殊不知  
富嫌千口少貧恨一身多  
次日上堂舉瀉山問仰山子一夏不上來公  
察師拈云瀉山家法森嚴只是仰山不合道  
著祖諱至今不了會得一夏亦不虛過不然

路途巖嶮各宜保之

謝勅舊執事監收上堂進退有常除擢特異  
其進也如青山白雲開遮自在其退也如巖  
壑生秋澹靜困默要知進退一如自然和氣  
可掬只如刈禾鎌子刈得幾箇祖師頭出來  
露箇消息看

上堂舉道吾和尚因僧問無神通菩薩因甚  
蹤跡難尋吾云同道者方知僧云和尚還知



麼吾云不知僧云爲什麼不知吾云去汝不  
會我語師云不知二字已是鎖斷者僧咽喉  
無端爲物傷慈暗露圭角忽有問南山無神  
通菩薩因甚蹤跡難尋拈主文便打何故老  
僧不曾管人閑事

中秋上堂或隱或顯有虧有盈爲天上無私  
之鑑實人間照夜之燈尋常多是論三五惟  
有今宵分外明雖然鼓山道底

謝執事上堂船上無散工駕御有方所打篙  
底打篙搖櫓底搖櫓觸浪迎風天地寬去來  
不礙東西浦何也擊拂子云火伴得人  
上堂舉藥山問石頭三乘十二分教某甲粗  
知嘗聞南方直指人心見性成佛實未明了  
伏望和尚慈悲指示頭云與麼也不得不與  
麼也不得與麼不與麼總不得汝作麼生山  
佇思頭云子因緣不在此江邊有馬大師子



往彼應爲子說山至彼準前問馬祖云我有  
時教伊揚眉瞬目有時不教伊揚眉瞬目有  
時教伊揚眉瞬目者是有時教伊揚眉瞬目  
者不是山於是省便作禮馬祖曰子見箇  
什麼道理山云某甲在石頭時如蚊子上鐵  
牛師云拔泰山超北海不以為難無味之談  
塞斷人口爲難雖然藥山因什麼悟去卓主  
文

上堂舉雲門因僧問殺父殺母佛前懺悔殺  
佛殺祖向甚處懺悔門云露忽有人問淨慈  
只向道知還得相應麼復云雲門露淨慈知  
權衡常在握不放秤頭低  
開爐上堂謝降賜錢翻蓋僧堂鱗鱗鴛瓦  
絕滲漏於枯木堂中赫赫紅爐回煖律於衲  
僧衣下可以坐忘空劫力究心中宗從教黃葉  
堆雲免致霜風戎曉麗金昆玉降自九重坐



卧經行舉頭戴德

達磨木師忌拈香我天爾狗神機雄辨難以  
嬰其鋒魏闕梁園枯禪面壁得以藏諸用佩  
西夫無文之印行東土不傳之衣誤人斷臂  
安心遂致口門齒缺音容漸遠諱日斯臨嗟  
末運正脉將沈想餘光聊陳菲供時當良月  
深炷爐熏

上堂了寧損君德無言真有功任從滄海變

終不為君通好笑好笑得恁麼入泥入水南

山口似磔盤諸人也須薦取

謝賜田上堂八家為井十字添圍人人知道

靈苗異草從地發生因甚拈起放筋又却蹉

過四郡九邑揔作一處取功別甃炊香只要

普同供養九重降

音闔國咸知本色衲僧將何論報卓主文行

到水窮處坐着雲起時



上堂舉魯祖見僧來便面壁而坐是則是不  
挂葫蘆醋越酸但未見有絕消息者南泉云  
我尋常道向佛未出世時會取尚不得一箇  
半箇他恁麼地驢年去師拈云仁者見之謂  
之仁智者見之謂之智

至節小參今年寒勝似去年寒去年無冰去  
年寒勝似今年寒今年有雪去年寒十一月  
十二日是書雲之日今年寒十一月二十四

日是至節之朝候候不相謾物物還對偶袖  
僧家有有不被二十四氣之所推遷者水邊  
林底捫風負暄有有不被二十四氣之所管  
帶者拋家失業久歷風埃還有不關造化底  
麼擊拂子陽氣未回吹律琯野梅先發向南  
枝  
復舉資福和尚因僧問古人拈槌豎拂意旨  
如何資福云古人與麼僧再問資福喝云古



人是什麼眼自師云善竊者鬼神莫測其由  
會則便會不然來夜請首座為諸人拈出  
次日上堂畧運推移日南長至東海鯉魚鼓  
腮振鬣南山鼉鼻伸眉吐氣唯有趙州老兒  
沒意智拖箇破席日裏睡淨慈路見不平道  
箇蘇盧悉利何故恐者老子背地裡討人便  
宣

臘八上堂棄萬乘尊榮受六年饑凍不離草

坐成等正覺義則義矣無端道於臘月八夜  
忽觀明星豁然大悟致令後代兒孫東卜西  
卜淨慈與麼告報還與黃面老子有相見分  
麼卓主丈晴乾開雨路無事設曹司

上堂舉趙州僧堂後問一僧大眾向什麼處  
去僧云上山普請趙州袖出一柄刀云老僧  
住持事繁請上座斷却命僧拖下刀子而走  
師云趙州過頭文字到處探水當時者僧若



與本分草料營取別甌炊香

上堂舉雲門問僧甚處來僧云西禪門云西  
禪近日有何言句僧展兩手門打一掌僧云  
某甲話在門展兩手僧無語門便打師拈云  
電光石火之機則不無雲門爭奈性命落在  
者僧手裏

上堂舉夾山住京口鶴林僧問如何是法身  
山云法身無相如何是法眼山云法眼無瑕

時道吾在座下大笑夾山下座請道吾問某  
甲適來答者僧話必有不是處望指教吾云  
一等是出世人和尚未有師在夾山云與某  
甲說得不吾云某甲說不得此去華亭有船  
子和尚却能明此遂散衆去云云師拈云擔  
板漢萬牛挽之不回說甚法身無相法眼無  
瑕拈坐具便撼非惟坐斷道吾舌頭亦免來  
山打落水中會麼卓主文泉聲中夜後山色



夕陽時

佛涅槃上堂法身無為不墮諸數為付麼却  
有生滅恁麼會得許你每日開單展鉢親見  
釋迦老子其或未然點鐵化成金玉易勸人  
除却是非難

上堂舉梁山因園頭僧問家賊難防時如何  
山云識得不為冤僧云識得後如何山云照  
向無生國裏僧云莫便是他安身立命處麼

山云死水不藏龍僧云如何是活水裏龍山  
云興波不作浪僧云忽然傾欹倒獄來時如  
何梁山山下座握僧手云莫教濕却老僧袈裟  
角師云來為先鋒去為殿後不因令出重圍  
爭見草賊大敗雖然且道者僧還甘也無擊  
拂子

壽崇節上堂至人垂化示有形儀開蒲月之  
竒姿蘊中天之瑞相會麼卓主丈只知池上



蟠桃熟不覺壺中日月長

上堂舉永嘉大師道一切數句非數句與吾靈覺何交涉靈覺妙明豈不是數句色聲香味觸法豈不是數句每日山鳴谷應風起水湧豈不是數句雖然如是又置永嘉真覺大師在何處卓拄杖唇上畢班賓狗剥舌頭當的帝都了

上堂鏗金憂玉腐草化螢坐井窺天爛泥有

刺是則是如人食蔗中邊皆甜因甚麼天傾西北地陷東南

蒲散壽崇節上堂僧問城東聖母與佛同生不願見佛時如何云赤眼撞著火柴頭僧云一日見佛以手掩面於十指掌悉皆見佛又作麼生師云酒逢知己飲詩向會人吟僧云只如皇太后與佛同生且道有何優劣師云輕如毫末重如山僧禮拜



師乃舉禪客所問城東聖母與佛同生不願見佛每見佛來即便回避一日回避不及乃以手掩面於十指掌悉皆見佛輒成一頌城東聖母坐蓮臺大地衆生正眼開與佛同生嫌見佛一身難作二如來

佛生日上堂二月十五入寂四月八日復生虛空開笑口大地絕人行恁麼會得何用九龍吐水灌沐金軀其或未然擊拂子云人在

畫樓沽酒處相邀來喫趙州茶

結夏小參僧問西天舊令東土共遵諸方依樣畫葫蘆淨慈因甚不入者保社師云若不  
同牀睡焉知被底穿僧云西天以臘人為驗  
東土以何為驗師云漆桶為驗僧云如何以  
漆桶為驗師云漆桶盛得飯與人喫僧云恁  
麼則三十三夫摸帝鐘師云老僧關鑰不嚴  
僧禮拜



師乃云胡言漢語翻譯失真此土西天迥相  
 狐魅年年四月十五日脚近前脚退後不敢  
 違條越制子細看來冷汗如雨直饒舉得頭  
 來早是桑田變海淨慈門下毀於佛謗於法  
 不入衆數尚且救不得一半何況青山綠水  
 盡是安居花笑鳥啼無非禁足山僧今夜咬  
 定牙關放一線道卓主丈

復舉乾峯和尚示衆法身有三種病二種光

須是一一透得始解穩坐雲門出衆云菴內  
 人爲甚麼不知庵外事乾峯呵呵大笑雲門  
 云猶是學人疑處峯云子是什麼心行門云  
 也要和尚委悉峯云與麼始解穩坐師拈云  
 檀拍板無孔笛雖然韻出青霄其奈音節失  
 音會得一夏容易得過不然來夜請首座爲  
 衆拈出

謝秉拂夏齋上堂寧可熱鐵纏身不受信心



人衣寧可洋銅灌口不受信心人食上座若能如是攪長河爲酥酪變大地作黃金供養上座未爲分外只是不受衣不受食焉有許多殊勝忽若有人修法供養又作麼生卓主丈生心受施淨名所呵  
上堂舉九峯慈慧禪師因瀉山示衆云汝等諸人只得大機不得大用慈慧抽身出去瀉山招之更不回頭瀉山云此子堪爲法器師

拈云九峯易見瀉山難見若是淨慈則不然待他喚不回頭急送官楮一千與之何故助他買草鞋行脚

上堂舉馬大師因僧問離四句絕百非請師直指西來意大師云我今日勞倦不能爲汝說得問取智藏僧問藏藏云我今日頭疼不能爲汝說得問取海兪僧問海海云我到者裏却不會問取和尚僧問大師大師云藏頭



白海頭黑師拾云盡謂者僧被馬大師父子  
穿却鼻孔殊不知馬大師父子鼻孔被者僧  
穿却會得截頭白海頭黑優劣已分不然易  
分霜裏粉難辨雪中梅

中夏上堂舉馬祖因龐居士問不昧本來人  
請師高著眼馬祖直下覷居士云一種沒絃  
琴唯師彈得妙馬祖直上覷士禮拜祖歸方  
丈士隨後云弄巧成拙拾云是誰弄巧成拙

若是馬師弄巧成拙上半夏已過若是居士  
弄巧成拙猶有四十五日在定當得出免爾  
聽參

上堂尋常苦口不是不說只是信不及不是  
信不及只是有些隔礙且道是什麼隔礙卓  
主丈信不及

上堂舉馬大師陞座因龐居士問不與萬法  
爲侶者是什麼人大師云待汝一口吸盡西



江水即向汝道拈云馬大師接八十四頁善  
知識門戶稍峻輕輕被龐公一撥直得披肝  
露膽或有人問淨慈不與萬法爲侶者是什  
麼人拈去文便打何故酒逢知己飲詩向會  
人吟

謝監收上堂刈禾鑿子未露鋒鋷多少祖師  
乞命秤尺斗量權衡在握日機鉢兩無差要  
知兩處收功塞斷衲僧枵腹塞斷後如何卓

主文臨濟掌黃蘗

上堂舉松源師祖臨示寂告衆云久參兄弟  
正路上行者有只不能用黑直法臨濟之道  
將泯絕無聞傷哉拈云鷲峯老子大似倚杖  
騎馬雖無僵仆之患未免傍觀者醜  
解制小參僧問瀉山問仰山子一夏不上來  
在下面作得箇什麼仰云鋤得一片畚種得  
一籬粟瀉云子不虛過一夏師云下喬木入



幽谷僧云仰山云和尚作得箇什麼瀉山云  
日間一食夜後一寢仰云和尚亦不虛過一  
夏此意如何師云父不慈子不孝僧云仰山  
道了吐舌瀉山云子何得自傷已命師云要  
且不是五逆人聞雷僧禮拜師云劍握齧人  
手師乃云卓錫無地空餘雙眼蓋乾坤別有  
生涯誰把寸陰消白白百二十日長期禁制  
他不往南天台北五臺八萬細行撈揀他無

門晝梵率夜闍淨衲僧以此護生生無不護  
以此禁足足無不跌摩挲主丈待西風鉢囊  
鞋袋重挑起前程忽有人問聞南山一夏以  
靈雲兩處不答煨鍊學者你道得也未脫或  
擬議老僧院子既屬他人未免更上徑山一  
遭了

辭衆赴徑山上堂秤錘捨得汁出石人喝得  
汗流臨機應變隨分知法也特推上五峯頭



雖然孤舟共渡尚有夙因兩夏一冬可無攀  
感卓主丈但有路可上更高人也行

淨慈後錄終

